

Fundargerð 363. fundar

stjórnar Hafnasambands Íslands

Árið 2014, föstudaginn 28. febrúar kl. 11:00 kom stjórn Hafnasambands Íslands saman til fundar símafundur í Virkisbúð.

Fundinn sátu: Gísli Gíslason, Már Sveinbjörnsson og Skúli Þórðarson. Í símasambandi voru Guðný Sverrisdóttir, Guðmundur Kristjánsson og Svanfríður Inga Jónasdóttir.

Að auki sat fundinn Valur Rafn Halldórsson og ritaði fundargerð.

Fundargerðin var færð í tölvu.

Þetta var tekið fyrir:

1. Tillögur að breyttum reglum um skráningu og vigtun sjávarafla - óskað umsagnar - 1312031HA

Lagt fram bréf frá Grindavíkurhöfn, dags. 5. febrúar 2014, þar sem hafnarstjórn Grindavíkurhafnar lýsir yfir miklum áhyggjum að tillögum að breyttum reglum um skráningu og vigtun sjávarafla.

Páll Jóhann Pálsson formaður hafnarnefndar Grindavíkurhafnar og Sigurður Arnar Kristmundsson hafnarstjóri Grindavíkurhafnar komu inn á fundinn til að ræða um reglur um skráningu og vigtun sjávarafla og þá sérstaklega um það óhagræði sem er í þessum tillögum að breyttum reglum.

Ákveðið að fela Má að óska eftir fundi með Fiskistofu og ráðuneytinu þar sem rætt verður um þessi mál. Má einnig falið að boða Pál Jóhann Sigurður Arnar og Björn Arndals á fundinn.

2. Stjórnarfundir hafnasambandsins 2014 - 1311085HA

Lögð fram til staðfestingar fundargerð 362. fundar frá 17. janúar 2014.

Fundargerðin samþykkt og staðfest með undirskrift stjórnarmanna.

3. Endurskoðun hafnalaga - 1003004HA

Lagt fram bréf frá nefndasviði Alþingis, dags. 7. febrúar 2014, þar sem óskað er eftir umsögn Hafnasambands Íslands um frumvarp til laga um hafnalög (ríkisstyrkir o.fl.), 234. mál. Einnig lögð fram umsögn hafnasambandsins um sama frumvarp.

Umsögn hafnasambandsins lögð fram til kynningar. Már gerði grein fyrir fundi umhverfis- og samgöngunefndar Alþingis en hann og Valur Rafn mættu á þann fund fyrir hönd hafnasambandsins til að rökstyðja umsögn um frumvarp til hafnalaga.

4. Frumvarp til laga um breytingu á lagaákvæðum er varða losun og móttöku úrgangs frá skipum - 1401045HA

Lögð fram umsögn Hafnasambands Íslands og Faxaflóahafna um frumvarp til laga um móttöku úrgangs úr skipum. Einnig lagt fram fylgiskjal með frumvarpi um mat á áhrifum frumvarps á lögum um varnir gegn mengun hafs og stranda nr. 33/2004 og hafnalögum nr. 61/2004 á fjárhag sveitarfélaga, sbr. 129. gr. sveitarstjórnarlaga.

Til kynningar.

5. Hafnasambandsþing 2014 - 1312035HA

Lögð fram drög að dagskrá.

Rætt um drög að dagskrá. Svanfríði og starfsmanni falið að uppfæra dagskrána og vinna að undirbúningi.

6. Ársreikningur hafnasambandsins 2013 - 1403001HA

Lagður fram ársreikningur hafnasambandsins fyrir árið 2012 áritaður af reikningshaldara og skoðunarmönnum.

Samþykkt var að ársreikningnum verði vísað til kynningar hjá aðildarhöfnum, sbr. ákvæði í 5. mgr. 5. gr. laga hafnasambandsins. Afgreiðslu frestað þar til framangreindu er lokið.

7. Langtímastefna fyrir hafnir landsins - 1211015HA

Lagðar fram glærur frá Íslenska sjávarklasanum þar sem fjallað er um langtímastefnu fyrir Hafnasamband Ísland.

Til kynningar. Starfsmanni og formanni falið að afla upplýsinga um gang mála.

8. Samráðsvettvangur vegna mótunar landsskipulagsstefnu 2015-2016 - boð um þátttöku - 1401061HA

Lagt fram bréf frá Skipulagsstofnun, dags. 21. janúar 2014, um boð um þátttöku í samráðsvettvangi vegna mótunar landsskipulagsstefnu 2015-2016.

Már tók þátt í samráðsvettvangi vegna mótunar landsskipulagsstefnu 2015-2016 og gerði hann grein fyrir því sem þar fór fram.

9. Frumvarp til laga um breytingu á lögum um siglingavernd, nr. 50/2004, lögum um loftferðir, nr. 90/1996, með síðari breytingum. - 1312017HA

Lagt fram frumvarp til laga um breytingu á lögum um siglingavernd, nr. 50/2004, lögum um loftferðir, nr. 60/1998, vopnalögum, nr. 16/1998, og lögreglugögum, nr. 90/1996, með síðari breytingum.

Til kynningar.

10. Ákvæði skipulagslaga og reglugerðar varðandi atvinnusvæði - 1402057HA

Lagt fram bréf frá Faxaflóahöfnum sf., dags. 21. febrúar 2014, um ákvæði skipulagslaga og reglugerðar varðandi atvinnusvæði.

Til kynningar.

Fundi var slitið kl. 12:25

Gísli Gíslason

Guðný Sverrisdóttir

Már Sveinbjörnsson

Skúli Þórðarson

Guðmundur Kristjánsson

Svanfríður Inga Jónasdóttir

Valur Rafn Halldórsson